

百名家詩選

小引

魏子曰余嘗泛舟歷湖望蘭陵小峴青蒼佳氣
疑此中有人登采石讀卧虬翔羽之篇幽峭深
沉與山川相映發嘆曰此其是矣爲咏蒹葭之
詩迨適荆門徘徊于二澤三澨間見數千父老
扶杖持羊酒伏道傍曰天不弔奪我父母厚
耶鄰民也遙眎之則匹馬雙僮依依不忍別去
者州刺史李公也目異之而心誌之曰此僅事
耳爲咏樂只之詩壬子夏初驅車入衛與錦江

張又益毘陵毛子霞同謁郡司馬梅邨先生一
見如數十年交移樽寺邸論文署齋出采石諸
刻見示相樂也已而相泣曰吾不忍此荊州民
余始驚而起爲觴一再行曰得之矣吾神交久
矣爲咏伐木之詩遂相與流連者數月入其署
如水壺披其帷如處子遊其市如無懷葛天卽
攝令于汲不無錢穀岸獄車馬贈荅之繁亦處
之如寄無他擾焉咸曰司馬公非今人也真得
力于濂洛關閩之傳爲修齊治平之具者也又

爲之咏淇輿之詩則今日之補是集于石倉也
非徒以張吾選已也

百名家詩選

福清魏 憲惟度輯選

華亭沈 荃釋堂 山陰姜 梗鐵夫

和州成 性率菴 內江張祖詠又益 叅

李秉燦 字藜仲號梅邨含山人

褒山

埜寺即空巖石楠蟠青壁林表出雙谿風鈴互
鳴擊蕩胸生層雲龍池聚雨蜥饑鷹啼木末白
日空房寂熊虎夜來鬬曉視泥田跡山僧把鋤

犁群居柵與櫪危泉輾衆石硤碎生的礫墊梅
香滿山諸峯隨意歷有時風雨翻龍象空中流

杜工部

以下數詩偶感成詠不拘代次

中宵九廟灰飛起布衣夜哭咸陽市誓辭羌邨
隨虎兇妻孥遠隔三千里醉中誤怒西川使挺
之之兒乃有此振衣欲殺鬼不喜白晝狂歌浣
花里手提骷髏血滿紙搜脂瘡鬼潛山底休休
宰相明天子杜甫文章窮餓死

李白

兔耳雖高張不掛龍與虎黃金十萬走東吳
揜置真同塵與土酒氣淋漓十指古輕紅芍藥生
煙霧上方吐舌李龜季宮中聖人比韶濩一文
不值漢長秋比肩公卿牧羊豎蜀道難於上青
天請君更向邛西路青山魍魎大江頭夜夜魚
龍供吞吐

賈誼

賈生少年真落魄交淺言深治安策願請長纓
典屬國未必神龍鬚可逆不朕東市頭已馘吳

楚智囊豈晁錯天子夜半布前席左支右吾祖
赤幘故鬼無聲新鬼喑天地大文不可洩惟爾
遠作長沙客

田橫

激泓蕭瑟天風烈夜夜洪濤吹地折狼豕晝嘯
虎爲群胆大如瓠骨如鐵天運已歸劉亭長山
寒日暮思惻悵嶠夷旣畧海東平西走長安羞
將相鄴斬曲逆真潦倒大王小侯何草草一時
五百客皇皇散作瑤光壽荒島

禰衡

當時不可投一刺胡爲漫滅刺中字許昌之人
江夏鬼殺人豈復憐才子洋洋鼓聲天地間癡
兒佯笑鼓聲前鸚鵡賦成頭顱解可憐哭倒孔
北海

孔融

孔北海真男子薦禰衡有奇氣生平蟻示袁公
路座上客滿樽中酒注手持老瞞席前箸一語
不合胸填怒荀文若比三傑空羨相贈口流血

楊公旣誅拂衣走疾父子兄弟罪不及周公旦
召公奭南史之簡董狐筆此人傲岸其志不可
測

東方朔

漢武營八極鞭笞一世才英雄叱咤走風雷將
軍下殿色如灰獨有一士稱大賢公車之牘凡
三千大笑絕纓人主前往從崑崙求神仙柳蒲
掖庭春花紅香風吹入建章宮彼隱山中雲蘿
疊我隱金馬門西東

孟浩然

鹿門之石何磊磊有人躬耕鹿門裏時時來往
高達夫草鞋破帽遊床底天子咨嗟稱良士老
病當爲明主棄鹽車鹽車白汗流拂衣自此歸
休矣他日登樓望鹿門欲覓襄陽此中是

大榆

余家大溪之榆獨本千尺迴出林表遠
人品目轍辨老夫所止相傳爲王大父
手植百有二十九年矣兵燹勿害其有

所護者與

吾尚寐廬大溪右老榆鐵色蟠中霽挺狀千尺
挈青雲桴杈力與雷風鬪百二十年實非妄皇
天后土資生長衆木凡才不敢攀獨鶴蒼鷹巧
相向赤日徑過秋水澌素姿照燭孤光徧好是
正直棲神明庶幾夙夜祈天眷憶昔乾坤正豺
虎十年作客來鄉土惟爾猶存問故人中宵賊
炬聞嘒雨其後南征索戰機千家冊梓泣符牒
官吏惇惇領健兒下馬排牆柱斧入獨此咨嗟

立良久回問向來有此不榆兮榆兮材不材慎
毋剪伐隨橙柳

喜晤朱槐里

風霜天地滿之子役柴車客倦憐江路更寒愛
草廬有盃同破涕無語各翻書不意干戈後交
情尚未疎

褒山讀書寄叔宣弟

第一山中樂峯峯有白雲拙還多是睡性最懶
於文慰我惟親健持家仗爾勤歸來春已暮斗

酒莫辭曛

蕭六二呂元聲雪中相過卽別

風雪前山盡將母念遠遊除來邨舍酒攜上故人舟天意今如此君行豈自由清溪迷處所望望隔林丘

舟子起長嘆最云今日寒櫓聲搖就雪風力直歸船幸望敝廬近徒朕酒興闌別余成獨徃良晤惜艱難

雪

千山同一雪亂眼入林阿寒逼青燈動光生白
屋多鏘紅存冷性筆凍耐微呵萬物領君意鋒
稜滿衆柯

辛卯除夕

東郊墅中

暮色當軒靜邨邨羯鼓聞炬明千室火香結半
天雲米桶鄰人共椒花幼女分自厭催一醉喧
雜埜人群

舟行沽飲

寂寞扁舟內江行埜望空風歸高葉上天入亂

帆中遠渚連沙白
秋山帶晚紅
此遊誰慰我
邨酒向漁翁

赴洵任別友人

聞道洵陽路
盈盈漢水繁
遺棠猜老樹
舊井識周原地
瘠廉名小官
貧古道存君
如當獻納莫
忘別時言

南觀

寺古衣侵柱
碑荒石有痕
翠巖橫障郭
江水曲連門
墊犢隨豐草
新鋤長麥根
倦遊春欲暮
相

對把青樽

得洵陽寄好我者

莫問洵陽路秦關古宓臺自嫌身命薄頓起俗
人猜換米銀釧過充寒繡緞來不畱今日裏青
眼向余開

九日同顧蕙石登上清院時遊履布滿雨

花臺畔

涼風起天末嘻笑各爲群望渺千家樹飛來何
處雲縱橫賓主席寂寞古今墳

上清院後卽正學方先生墓也

爛熳南城菊歸時日已曛

采石詩

癸未余讀書采江孟春廿日命舟西河
逆流渡檝林壑幽邃可數百武折從一
小逕抵山麓舍艇北上層峯落翠內環
曲磴外臨大江巖巖虬列白日爲陰寒
光四逼少間聞有响如殷雷者松巘濤
江雜踏發聲石逕嶽欹攬株斜度至謫
仙樓河縈如帶憑樓西矚澄江在目顧

檣櫓指錯嶠廬睂列鮮霞舉林傾輝映
岫非供奉其惡能居此也入瞻遺踪英
風朗列善哉少陵之言也落月滿屋梁
猶疑照顏色天命偉人傳茲山川斯亦
域內希絕之事矣

翠蘿山

門前山已綠春氣自朕深儘可酬遊志因之携
素琴卧虬爭埜壑翔羽觸高岑到處皆成僻開
余上古心

謫仙樓

入門欽所見摘葉供青蓮夫子舊遊處妙情留
水邊乾坤勞嬾代風雅只高舉稽古生遙悟蒼
涼視遠天

牛渚磯

不復知遊倦看花乃到岵江空聞見靜天迴性
情孤角筍初苞竹鯨波亂浴鳧鶩斜坐相望青
翠撲肌膚

文星閣

高樓矗霄漢能令千峯降爛熳雲歸屋欹危石
據牕依京雄作輔截木突攔江日暮飄風發殘
虹帶影幢

新營謁虞雍公祠

中原誰致此戍鼓逼漁舟天子憂明闕將軍卧
上游魚龍騰塞氣雋李入春愁正爾隆州客胡
爲對楚囚

沿江壁上

依沙成小泊獨坐發孤清突兀支坤軸巉巖攝

海鯨蛟龍石穴注風雨壁間生誰鑿江痕古驚
濤不肯平

寄朱槐里

霜鬢相逢十載餘粉榆社業近何如每因白眼
新看日想到黃公舊酒壚無事但關深柳戶消
愁時發故人書不堪回首江南路爲子良籌在
居

郭至也招余次日飲夜中大雨震電不果

行

幽棲共築此山隈
好我還能發舊醅
三徑竹花明午約
半窗風雨夜深來
如斯良晤天能妬
未
有雄譚鬼不猜
只待青梅如豆子
呼君細掃石床苔

寄明淵上人

寂寞山城寺裏逢
蕭疎不與衆心同
壯年客載扁舟去
老大名歸白社中
世事只今宜一袖
君才何必更書空
片雲孤鶴閒來往
好摘春花漉酒紅

何寤明見過

小苑城隅幽可探
蠱天高樹鎖晴嵐
蓬心飄泊詩全廢
禮法疎慵睡最甘
偶過幸除門外字
相逢肯不夜深譚
亂離幾處君同我
一見青梅一
次酬

雨中感寄何寤明時寤明客于南寺者屢
月且辭余行矣詩以留之

君愁多在楚聲邊
燕子初來又一年
宿雨漸添門外滑
濁膠消盡客中錢
莫因白社攢眉去
尚

有青山一笑綠何日杖藜閒過我看予春檻柳
如煙

乙榜詩呈吳縣分考

正韻

破牕燈火水邊林十載蕭條原子貧自分不材
甘衆棄獨從焦尾辨孤音天人理莫憑工拙師
友誠能動鬼神乍到虎丘添一笑江帆落處問
迷津

再宿褒山喜晤玉如上人明晨賦別

埜寺故人好顏色天涯遊子髭鬚髻榻穿幾處



心如石夜到三更水自冰
牆外老狐吹野燒殿
中諸佛守寒燈霜鐘再發別君去
悵望青山山
幾層

和成率庵苦雨詩

不堪暑雨客中貧
杵臼蕭飀鄭子真
潦倒一官
僮僕貳詩文數冊
友朋珍移牀汗漫
支殘滴乞
米荒唐問故人
想到華陽雲隔處
千株烟柳在
河濱

望虛

時以內艱歸

痛哭三更到敝廬
一千城鐵借難除
曾聞薄俸能娛老
誰料投荒恰是余
半世罪惟毛義檄
終天恨滿太真裾
早知不得親無恙
傭保何妨供水蔬

再至洵與友人

老大方知行路難
盈盈風雪過前灘
傳聞殘政碑猶在
誰料相知意已闌
如子自能爲劇孟
慚余多不似張堪
乾坤雙眼原無賴
一壑寒梅折取看

辛丑歲除東同舟金仲遠

天涯歲事將何如
廓落青山興不除
埜市共謀彭澤酒
江船多買武昌魚
欲舒柳眼三分足
已坐春風十日餘
惟子與余同李郭
更深猶許借奇書

是歲臘月十八日立春

送驪月上人

江漢滔滔曉夜東
無生誰肯學龐公
但除煩惱皆成病
不讀楞嚴便是空
野鶴林間踪跡異
群雞花樣百千同
橫擔瓢笠黃梅去
龍朔三年記

祖風

移樽魏惟度寺邸同張又益和韻

紙窗高卧似幽棲近日新詩未敢携何幸二難
來草榻得追三笑過蒼谿權衡今古凌空手拈
弄風花絕妙題寺北寺南多好樹儘堪沽酒聽
黃鸝

毛子霞別已十年忽訪衛署邀同魏惟度
張又益縱飲雅譁遂將達旦惟度卽席
賦詩次韻和之

平川斜日白荒荒忽見青絲絡馬韁老友到門
具鷄黍新知入座奏笙簧論詩家各端名宿問
姓人多是故鄉觴政未闌天欲曙猶橫東壁照
文章

春日

埜人情與世情疎買得青溪水竹居風雨入春
無別事半船濁酒半船書

邨中

誰家少婦只提筐清曉收來陌上桑老扈

趙人收麥

鳥之聲喧眠不得年年添盡麥初黃

展墓

黃土幾親照白雲孤兒拜別又銷魂三行血淚
秋郊外幾度傷心夢裡墳

旅中

沽酒酒家酒滿觴雁高霜老菊初黃十年不盡
胸中事細雨寒燈夢一牀

濠上王善楚仲夏與余別于汴相訂九日
來舍過期不至作此詩

蕭蕭班馬古繁臺許我江邨濁酒杯惱殺西園
無賴菊離披不待故人來

雨中坐友人閣

小閣支離花滿洲一天烟雨欲矜秋得君自可
舒懷抱不爲元章山水留

燕子磯

燕子磯頭風正狂隣舟夜起客商忙明朝不必
海門去缺筇邀君一鳴

小引

魏子曰嗚呼詩之重也詎不以性情哉大易云
脩辭立其誠誠者性情之始也辭其體要焉耳
古聖賢以性情發而爲辭而詩名焉故尚書之
教胄子也以樂合詩進而可以和精神人吾夫子
刪詩斷自商周于風也疏達于雅也莊肅于頌
也興質極辭之變而性情見焉非是則無辭漢
魏六朝作者林立然綺靡成習軌于正則者鮮
矣至唐以李杜嗚然李以氣韻雄杜以研深勝

揆諸中和之旨猶有議之者及明北地信陽太倉歷下諸公非不金谷瑤臺居然天府也然優孟衣冠不免薄俗之議况蓊然閭巷歌謠而可與子晉之笙成連之槩並聞天際者哉此暘谷之詩所以脫然不滓純乎性情爲絕學倡也余嘗與同人論次其詩皆有關吏治甚切民瘼至敷詞和雅用意深厚得涉世持躬之要可擬白香山觀其通守雲間政治之餘登峰泛滌日與郡縉紳酬唱及今被謗絕無悲天憫人之意介

介乎胸懷游山水嘯歌晨夕亦惟香山可相彷彿是性情也進于道矣而僅以詩稱乎余且與之學易矣與之論樂矣

百名家詩選

福清魏憲惟度輯選

栢鄉魏喬介貞菴曲阜孔胤樾心一

合肥龔鼎孳芝麓南城吳學炯星若恭

傅爲霖字石潯號賜谷南安人

瑞麥

時維季春皇乃祈實昊天孔昭鑒於有德維此
下土勤其稼穡

聖人貴禾書必及麥雨露芑芑岐秀且實何以

致之敬慎不忒

王道無頗民歌帝力九穗一莖登此瑞麥匪惟
地沃實從天錫

載薦載登惟社惟稷荷天之佑百穀滋殖爰
臣工益殫厥職

重闢先賢祠恭賦十章章六句

有引

先賢祠宋制使馬公光祖鎮金陵藁古
來此鄉名哲及仕宦流寓之賢者吳泰
伯以下凡四十一人立祠青溪置腴田

春秋祀焉期香火歲歲勿替甚盛典也
詎意世遠湮沒識者悲之至明萬曆間
郡紳焦弱侯先生請於李文節葉文忠
二相國遂屬葛屺瞻先生擇地南郊重
建普德寺後山祠成增祀十三人合前
共五十四位時代姓氏詳在祠記中當
青溪之始建也有閩士陳宗上言蘇東
坡嘗往來金陵山水間宜入祀時雖未
允而普德之建則蘇文忠預焉是陳生

之議旣行亦以見祀典之日以周也會
幾何時祠宇剝蝕於緇流幾不可問已
酉秋適閩士魏憲過長干故老話其遺
蹟隨聞之叅藩綠厓陳公公力爲廓清
諏吉闢祠迎主復其故位噫斯舉也不
特先賢五十四人重開生面卽馬制使
李葉二相國焦葛諸君子建祠從祀之
苦心盛典不致久而弗彰伊誰之力也
夫始建之時閩人議之及乎中衰閩人

興之今祠之再開又出乎閩人是閩于
先賢大有造也叅藩解縛篇有云閩亦
何負于天下後世哉亶其然乎

悠悠古今有數名賢出處或殊媲美後先弗表
而彰孰其知焉

惟昔制使愛此先賢相彼青溪創祠其前爰立
祀典爰置膏田

維春與秋俎豆不愆世遠代移此祀遂湮剝斯
復斯豈不有天

後之君子顧而惻然白之相國祠額重鮮再堂
再構飭其豆籩

爰稽舊典配以先賢泰伯以下位東西徧卓哉
盛舉宜百千年

維祠有松鬱鬱高騫曾幾何時棲鳥與鳶緇而
蝕之不絕如綫

瞻彼南郊遺址巋然維我閩士過而流連謀而
復諸抗論持堅

偉哉藁山不爲衆遷出之高閣爰解其纏廓之

清之新其几筵

載拜載迎簫鼓鬚鬚莫位秩秩神其欣然臨斯
格斯秉志維虔

酌彼樽酒霏霏香烟實維古人耑美于前匪有
今人誰與爲傳

送魏惟度返棹白門隨卽入燕

次畱別原韻

閒來百種舊愁新况復臨風送故人幾載荔枝
家有夢一肩詩卷客無塵江南煙水遲舟子冀
北雲山托雁臣漫道鄒峯春色好鄉思幾度過

延津

春風隔歲渡江濱此日離情草色新
今古有誰能不朽文章到處豈終貧
征帆雪壓六朝樹客夢鐘殘三泖尊
極望雲深南北路相思相訊莫辭頻

君子行

君子卓古今居心何寥廓出處或有殊
大道相與託冥冥仰鴻鵠啾啾窺燕雀
東山有流言尼父遭伐削所貴安其常
窮通恒足樂精義更入

神蕩蕩無適莫猶存戒懼思臨深而履薄

擬陶

忽忽秋將盡木葉霜露交東籬菊盈把嘆彼松
後凋閒中領靜謐瑟瑟爽氣高仰首聊一望孤
鶴唳青霄萬物處區宇役役何其勞衰榮靡有
定中懷常欲焦何如一樽酒醉醒得自陶悠悠
身與世言笑以終朝

露筋祠

廟貌獨巍然何人崇厥祀名盛於寰區競稱奇

女子當昔出門時偕行有嫂氏忽值白日昏皇
皇無栖止四望蒼莽間毅然獨不倚聚蚊已成
雷此身任所馳非不愛吾生恐爲人所鄙昆蟲
具性靈胡以亂相哆筋露骨尤香苦節其如旨
年年秋月明夜靜照深水

過管公市

江南三月雪霏霏嗟余行役仍未止舍棹維揚
買蹇驢數程忽過管公市許多霸畧盡銷沉斯
地尚因管鮑紀巋然道口一青碑字鏤分金在

於是人生所貴在相知阿堵區區寧足齒果使
分金一節奇管鮑母乃丈夫鄙射鉤已是慰幽
冤隱忍成仁生猶死匡合競稱天下才當日惟
鮑號知己鮑非多與管非貪事出尋常亦偶爾
笑彼范須兩男兒空說戀戀無終始

宿遷晚眺

北來蹇跡印紅沙遙望南雲何處家城外河漸
瀉暮霞落暉山上樹喧鴉偶來高處閑徙倚此
地舊爲項王里項王宮畔艸離離天短英雄氣

自悲風雲叱咤萬人敵別有柔情泣愛姬憑眺
江村秋色裏幾回惆悵夕陽時

山東道上雜詠

謾說風塵慣頻驚客路行村鷄催起早籬火認
來經草故當春綠山尤帶雨青主人能不俗有
子讀書聲

茅店餐塵飯幾迴過魯疆人多奇頸相女少着
裙粧白鳥斜成字青山翠染裳偶然觸個事失
笑墮驢傍

秋泛

無事郡齋日招尋郭外舟九峯青一棹雙鬢冷
三秋難測乾坤意不勝今古愁落霞樽酒後孤
月湧寒流

春邸雜詠步道建韻

纔拂春光好欲殘愁莫刪吟能銷白日花可照
紅顏鳥語朝昏際鐘聲斷續間歸樵應有意回
首隔千山

過安山岡霧甚

河干漸短夢放闌恰晨征霧忽連天蔽舟還逆
水行岸人稀辨色雲鴈但聞聲向午日光拂山
顏入棹晴

夜泛

鐘盡空江碧飄然獨往還扁舟猶日夜終古此
溪山草木初冬暖琴書薄宦閒閒槭安客夢鴈
還又情關

夜泊焦溪理琴薰釣

空山萬籟寂初更碧水聲中一棹橫客欲破寥

琴作友舟因停夜釣爲情居然谷響兼魚聽况
復人閒對月明坐覺溪涼秋氣肅松風入夢旅
魂清

德州曉發

聊計征期已數旬趁涼攬轡獨凌晨五更星影
城頭角四壁鷄聲夢裏人早月依依隨去路秋
霜點點濕征塵傾欹騾背續殘睡乍覺蒼茫曙
色勻

神山訪諸軋一不遇越日惠教以詩次韻

奉酬

青溪隔歲別芝容特溯伊人第四峯
綠字酒香烟泛艇碧雲琴靜鶴聞鐘
相將羽士仝看竹更道先生欲種松
餉我新詩勞遠訊得閒乘興擬登龍

望泰山

天門咫尺正氤氲翠色遙看欲布雲
千古許多封禪蹕九州皆小岱宗羣
蒼茫紫氣通燕靄縹緲晴嵐落海曛
七十二朝尋勝事青苔碧蘚斷

碑文

次阮疇生送余歸雲間韻

如萍身世任悠悠行色天涯笑浪遊一自黃河
遲北棹又從白雪下南州湖山雖濶夢魂合聲
氣無多我輩求張翰思歸緣底事非關魚菜憶
三秋

表叔畱穆夫將南回省親余適北行同至
京口而別

客中送客倍依依一向南歸一北馳如我蕭條

難自語藉君詳細話相知最憐兒侄傷心後善
懃懃親倚望時江水春風添別緒莫嫌署冷訂
秋期

落花詩次韻

醉坐花茵如錦時管絃一曲譜紅兒已知漸次
星霜異轉憶從前雨露私數拍笳聲悲蔡女五
湖烟艇老西施最憐蛺蝶空畱戀未斷情根若
藕絲

難禁節序去忽忽欲把清樽問太空落翠方添

三徑雨輕蘋又起一宵風遙看芳艸連天碧更
見飛花綴柳紅杜宇春深應血盡啼聲不住曉
昏中

登虎丘次同寅范繩斯韻

草草吳江問虎丘晴峯入眼塔當頭天猶放暖
冬如夏人亦乘閒去復留泉石可能傳地勝笙
歌偏覺累山幽只今莫管浮沉事烟景攜將落
釣舟

無數畫船雜此丘應知山亦悔名留一泓劒氣

通泉冷百道茶烟遶徑幽波漾布帆生浩蕩天
容我輩恣遨遊低回石畔雲無賴樹杪殘陽尚
未收

讀同寅朱米在和章再依原韻

乾坤許大數茲丘祇爲當年踞虎頭日冷江楓
紅葉盡僧歸山寺白雲留人間獨有登臨好世
外無如水石幽吳越事皆成短夢烟波縹緲五
湖舟

紆遲短棹過前丘領畧光風半日留雙眼蒼茫

天地渺一樽潦倒古今幽曲來郢雪驚難和人
怡山陰喜共遊薄暮帆歸江上去數峯隱約望
中收

雪吟次范繩斯韻

子夜飄飄一夢回起看如絮砌成堆可知冷欲
添寒暑全覺艷將鬪臘梅玉樹乍驚鴉立破冰
壺莫認鴈飛回調高自是和來寡郢雪頻教詩
興催

立秋日賦送陳昌箕之白下

攜手江城六月秋知君百尺自風流俸廉不惜
傳新句客老偏能壯舊遊亂後文章餘兩鬢天
涯身世等孤舟白門此去還相憶九點峯前雲
未收

招盧文子小集見辭以詩依來韻

欲借樽前一問詩不將清興雜歌絲年來已負
荔枝夢秋去又虛尊葉期幙外鐘聲催漏許席
中蠟影照人誰今宵寧却論文事千古悠悠祇
自知

酬田髯淵二首 并小引

余仰田髯淵有日矣三載鹿鹿時多室
邇人遐之恨已酉秋冷齋無事始獲接
對一見如舊聲氣之孚信不偶也示我
名篇莊誦不啻金石聲值有十五國風
之邇余搜篋中得我閩諸家就其品題
時風雨滿城一樽從事聊效白衣之意
云爾佳句見貽因次來韻

渺澱秋光漾水文相逢今已慰聲聞神交恰有

三年積風雨偏愁九日殷傾倒樽前人似玉縱
橫筆底氣如雲田生經術推當代閩海還將一
席分

水西夜夜映星文間氣鍾來自昔聞正羨著書
多日暇寧言送酒寄情殷文章已貴貧由命身
世能拋淡若雲冷我一官還拓落與君秋色好
平分

渡江

又向金焦山外遊江楓背日已迎秋輕帆波靜

中流穩不盡烟光一望收

抱琴

知音未許說寥寥水可移情山可調珍重水絃
焦尾上待將明月向誰挑

覽勝

山水天容我輩多好將雙眼放狂歌極知名勝
難遊盡到處登臨莫放過

雲間諸子秋集寓樓

柴關剝啄無客至一傾壺乍領新秋色相看舊

釣徒樓高吟興濶山暝鴈聲孤近欲依三泖何
須乞鑑湖

集董且庵光復堂

幾度悲搖落秋光又過旬五湖皆熟識二陸是
前身白社杯常滿名山句不貧知君下帷日秘
策有天人

集張漫樵紫蓋山房

白髮風流甚江東有步兵雲濃添雨意樹古逗
蟬聲健筆傳高士秋山愛老成爲予寬酒政落

日照孤城

雲間贈別詹叟士回粵東

羨君天下士相識在燕京遙憶三年別知從五
嶺行秋添霜鬢色鴉亂暮山聲一話鄉關事淒
然百感生

相逢知己少況是故鄉來落日雲間榻西風嶺
外盃燭燒千里夢雨長一庭苔湖上秋萼好扁
舟莫便回

小引

魏子曰一生一死乃見交情昔人之言深有慨
于世道涼薄而交情不古也余祖籍山左家重
光已丑同籍皆得以孔李之好定縞紵交程萊
蕪天翼固夙昔所企慕而未得見者也萊蕪試
宰潞州紫雲白雁之間政聲丕著特以詩酒之
癖未除拂袖歸田將赴玉樓之期以所著各體
詩托其同年譜程念伊先生藏焉嗟乎使藏非
其人不殘于兵則燼于火矣不蠹以游則鼠以

飽矣不高閣枕之則行篋佚之矣先生獨什襲
珍之且挈以之官如與之歌杖杜焉與之奏塤
箎焉與之賦蒹葭焉愛之憐之諷之詠之丹之
黃之赭之夕之風之雨之且命余刪之存之懸
諸國門與天下共之先生之情也萊蕪之情也
卽天下人之情也豈區區一同年譜云爾乎曩
張劭與范式交善劭且死形諸夢寐式素車白
馬會葬千里今古侈爲美談視先生爲何如也
吾將攜此詩走夾谷道上以生芻一束招天翼

之魂而告之曰金石能消此情不泯矣

補石倉詩選

程天翼小引
卷之三十七

二

枕江堂

百名家詩選

福清魏憲惟度輯選

黃岡程啓朱念伊錢塘姜圖南真源

閩縣鄭燦新閭菴江都劉師峻峻度

叅

程雲字天員萊蕪人

大風歌

大風起兮鳥高翔天下爲家兮思故鄉
父老子弟兮樂未央

薤露



薤上露夜湛斯人之死自生時彼騷騷今豈分
嫫母與西施

行路難

海不可乾山不可易自我見君怕有今日君先
疑我強我約誓負我誓不誠他人誇爾極多情

枯魚過河泣

枯魚勸活魚活魚共笑之殺龍失江河且爲騷
騷欺昔不投深淵相訴亦何爲

悲落葉

悲落葉落葉不歸枝安知來歲葉還似去年時

秋夜長

秋夜長春夜短夜短使人疲夜長使人懶何不
四時平不長亦不短

折楊柳枝歌

走馬遺金鞭駐馬折柳枝下馬插道旁明年枝
葉垂

郎折柳作鞭柳作儂髻節不願鞭郎馬願郎長
攀折

高陽樂人歌

千金白鼻騮繫在門前柳有錢須與沽無錢馬
當否

新嫁娘

在家有阿母出嫁有阿夫未諳夫性情何言舅
與姑

懊儂曲

儂可憎得歡歡惟儂不得不當與歡絕只當不
相識

野老招飲

移家入深山山中如有素負暄讀短檐清絕得
新句出門望東疇夕炤在高樹野老胡爲來媿
媿向予訴溪頭桃李開村醪足人酤老侶集中
林恐子莫肯顧果見六七翁瀟散無禮數踞石
藉草茵依依忘道故拊掌勸田歌婆娑美無度
盤中蕨與薇欣狀竭匏瓠強起帶月歸健倒不
成步回頭看主人手足亦無措

秋日出飲田家

科頭行徐徐秋老一望白到門槐柳合入門踏
牛跡羅坐斗室中瓜蔓上屋脊田夫禮貌恭欲
言笑啞啞今年幸薄收所餘一斛麥貧家無釀
法苦酒如黃蘗稚子挈壺出短几不盈尺豈須
采園蔬墻棗熟可摘是時山雨過微風入籬隙
向夕石路滑歸家借襦襖

登東蒙歷山

偶與宿山家中夜神骨淨雨歇靄翠微一往愜
幽性古木忽偪人足趾石紛競攀蘿陟絕巔據

雲胸臆平微風自西來幽咽如琴咏翳翳浮空
濛夕陽爲掩映遐想有虞時冥搜恐未竟

山居

寒裳泛溪雲深入南山裏予室無戶垣嶙峋列
石齒剪茅覆屋頭淫雨不能圯秋川百道流清
泚漱園趾朝旭煥中林涼風伏不起移杖步西
疇鳥道獨逶迤隴上棗離離撥雲拾草耳豈不
節勞佚荷擔輕舉趾稚子出逢迎斗酒報新醜
顧予自蓬蒿潦倒而已矣

坐蒼龍峽瀑下

峽上松杉影倒浮
峽中雷雨日長流
千歲老龍乍睡起
雲外明珠吐不止
解衣盤礴坐石根
對面不聞人語喧
直欲乘槎上天去
太古鴻濛知何處

朱不凡醉綠亭

醉綠亭中秋尚酷
茂林繁露溼朝旭
早起科頭過板橋
凭欄澹寂恣遐矚
老藤化石骨崢嶸
古螺吸水苔綠攜
來一袖陶柳詩
主人爲我沽

酴醾

鸚鵡洲

次太白韻

鸚鵡不巢江上水
芳洲何以鸚鵡名
當是彌生絕筆日
至今化碧草青青
千古悠悠懷不淺
若爲天地怒濤生
欲弔汨羅復何處
烟波冷月向人明

映水曲

吳趨橋上樓中女
碧紗日日隔清渚
妝成含睇步欄珊
朱簾半捲如聞語
飛來飛去桃李花
垂

揚誰繫白鼻騮可憐臨去芙蓉落畱得朝雲與
暮霞

登新甫

偃側攀林杪空濛鬱若浮野泉偏受雨喬木易
知秋近擁青徐出高凭岱嶽遊百年丘壑志今
日一滄洲

山齋

茅茨山氣裏空翠滿中庭遠岫雲如見幽泉月
可聽無人從下榻一子半橫經習懶兼成拙柴

門鎮日局

夕蟬

夕陽蟬噪急雨後有餘清斗室無長物千林若
一聲涼疑秋影落澹是露華明不待寒蟲集客
心早自驚

秋海棠

彷彿春猶在淒其更好姿若爲清影去常怯細
風吹半面如憐我低眉欲恨誰小庭寒較早可
憶背人時

自宮山前歸

窈窕從中麓盤回過曲林聽泉山氣古坐石雨
香深白髮仍多累黃蘗尚易尋近家歸意怯日
暮急寒砧

夕步

閉門秋色至薄暮啓柴關遙望中林外忽逢兩
岸閒霞低將入水炤返暫畱山懶慢余何敢獨
銷永日閑

秋夜

一病忽徂暑移家愛石林泉鳴孤樹寂月炤衆
山深野客清無夢空齋靜有琴朝來嘗晏起幽
懶遂甘心

秋夜

近日閒成癖科頭坐夜深清霜生客鬢寒月到
人心薜荔畱清夢蜚蠊寄好音鄰家吹短笛不
是子期琴

蕙松招飲齋頭

兵燹荒城裏蕭然獨下帷古梅江上贈新竹雨

中移茗白翻疑水
謳清却悟
顏狀看似我豈
與世情宜

元夕深夜登黃鶴樓

中夜續登臨
天晴紅氣陰
遠星乘水大
欹月坐
烟深靜息
千秋事幽生
太古心寂
朕忘出處憑
檻一微吟

書蠹

兒嬾書魚
負營巢積寸深
托身頗不俗
恣意恐
成滯目力
今難恃文思
老更侵仲宣
難復起徒

有伯喈心

登岱二首

縹緲碧霞抵嶽宮
捫天咫尺駐鴻濛
白門雨雪迴三觀
滄海波濤擁二東
漢禪秦封微渺
外金函玉簡有無中
古今不改巖巖石
何處飛龍舉太空

名山三百競朝宗
首出青方萬物從
六月乘風披豔雪
九天踏雨蔭晴松
東皇左个扶桑起
玉女中央列時重
梁父云亭俱杖底
聖人千載繼

登封

趵突泉

歷下名泉首濺瀾一泓突兀結峰巒
巒碧霞閣靜搖晴雨白雪樓孤集
夏寒注地嶧華水鏡圖濺天星斗
芰荷盤獨來坐卧婆娑石剝落蕪苔掃
欲彈

雪詩二首

次蘇韻

微茫寒吹落輕纖凍寂柴荆未解嚴
清映平林沙外月空涵高麓水中鹽
幽篁乍俯垂荒徑暮

鳥群呼下短簷朝夕南山舒眺眼會須晴放數
峰尖

蕭條古木坐寒鴉閉戶嘗回長者車將勿奪鮮
從鶴羽不妨分色與梅花遙從江上孤漁夜高
卧山中處士家松葉煨鑪心俱寂仰傾三斗手
彌叉

巳卯元日安期生祠

蕭瑟寒威澗谷鳴空山秦漢古先生松杉不辨
雲中影鹿鶴如聞海外聲兩日孤踪經歲隔百

年大藥幾時成相傳桑梓神仙里安得相攜見
太平

銅雀硯

友人示我古鴛鴦曾見前朝舞袖長
擗管生憎兒女氣
搗文老忌粉脂香
尚勞賞鑑分真贋
奚惟俗工溷楷良
珍重東山溜水石
案頭拂拂野雲涼

衰柳

溪上紛披柳數條
翻憐早發後來凋
一時月度

黃金縷何處人吹碧玉簫野店無香仍自惜長
亭免折若爲驕先生歸去因成號別有知心未
寂寥

次和友月

遠天初湧半輪橫能助家山夜夜清幾見溪澄
梅自惜如聞桂落鳥翻驚素心永夕琴孤引寒
影三人酒數行白首相看如夙昔漂搖風雨不
曾傾

次和友琴

試向空山一再彈，怡然心曲解如蟠。
漢宮秋月懸今夜，巫峽春江落此灘。
古道非關雙耳聽，時人直作七絃看。
前身却亦陶彭澤，挂壁無聲靜結歡。

初抵孝感次答程夔夫見贈

嚴程兼日鳥爭翔，澤國空傳稻米香。
琴咏自知官况少，簿書誰謂吏才長。
攜將岱雨來荆楚，坐聽江流到沅湘。
問道伊人清隱處，東村十畝遶垂楊。

登九華

舍舟遠上最高峰踏徧嶙峋探往踪盤踞洪濤
分砥柱憑陵瀨氣結芙蓉晴涵三月千巖雪靜
擁中天萬古松誰謂攀援無勝具茂林修竹供
支筇

擬弔夷齊祠

首陽千載蕨薇新誰繼古賢兩逸民北避初爲
全父子西歸終不負君臣戎衣取國仍稱聖白
馬移封亦得仁若謂伐商綏士女代周何更有

狂秦

光岳樓次荅施愚山督學

岱宗縹緲起東溟
杰閣遙連列一屏
遂以市城生寂歷
若爲鐘磬落清泠
行舟樹杪千帆白
倚杖河源萬壑青
聖代何能扶羽翼
踟躕古意托鴻冥

古劍

嶽氣來神物
千年淬水新
不知今天下
多少負心人

節酒

鄉鄰八九家次第傳生節扶歸踏月明人影度
寒雪

子房椎

力士爲何人不忠亦不死當其大索時早從赤
松子

秋胡妻

別離雖已久豈不識桑林郎自有他意黃金試
妾心

蝴蝶花

蝴蝶花開蝴蝶隨
花開蝶舞兩無疑
主人却亦蒙中叟
夢裏相逢知是誰

飲尚之朗青臺

清朝微雨過城闌
一榻垂陰涼未歇
桂落無聲秋影香
狂來共捉松頭月

三月夜雪宿尚之陶白菴次韻

五年重過故人居
落盡梅花春自如
中夜不知林外雪
祇疑山月炤牀書

郭娘泉上櫻桃園

逐岸人家籬落同
朱櫻
韶眼射波紅
春來載酒
頻相過
願卜溪頭一畝宮

北上過瓦橋關

蒼茫古戍烏飛還
千里平蕪不見山
開道西南
烽火急兼程已過瓦橋關

燕邸寒食

長安信美憶吾家
寒食春風兩鬢華
惟有西山
朝氣好不知何處著桃花

燕坊

金絲寶袋裊烟斜
宮樣盤妝簇翠花
借問何人雙繫馬
臂鷹如解聽琵琶

宿澄嵐舟中

寒夜扁舟月暫明
亭橈燈下最人情
醒來不記鄉關夢
誤聽江流作雨聲

夜聞西河

西河雨歇走龍湫
一夜寒吹萬壑秋
回憶當年垂釣處
十年孤負白沙洲